



وفى ۲۳ تومز ۱۳۲۸ سنه

پازار ايرتسى فى ۲۱ شعبان ۱۳۳۰

|| جمعيت علميه اسلاميه نك ناشر افكاريدر ||

مدیر مسئول
مکتب قضاة معلمارندن
کلیسلی
منیر

سر محرر :
فاتح مجیز درسعاملارندن
توقادلی
مصطفی صبری

صاحب امتیاز :
فاتح مجیز درسعاملارندن
نصوح افندی زاده
مصطفی عاصم

مندرجات

قسم ادبی	مقالبهٔ جمیله	محمد عاطف	مدینت شریعه
عباس لطفی	ادبی باغچه‌لر	محمد توفیق	سورهٔ یوسف
ع . ط		مصطفی	توحید ، تثلیث
متفرقه	بر تأسف	خیرالدین	دوقنور دوزی بی‌رد
ادیب عینتابی	جهالت کیمده	م . صفوت	یزده یکلیکلر
	سؤل المزک جوابی		

اعلان

نسخه سی ۱ غروش

آبونه اجرتی (بوسته اجر تبیله بر ابردر)

ممالک اجنبیه ایچون :
۱۳,۰۰۰ فرانق
» ۶,۵۰۰

استانبول وولایات ایچون :
بر سنه لکی ۵۰ غروش
آلتی ایلنی ۲۵ »

درج اولنمیان اوراق اعاده ایدیلر

قارلر مزه

اکثر مقالاته آیات کریمه واحادیث نبویه درج ایدلش بولندیفی نظر اعتباره آلتهرق رعایتسز لکده بولنلعماسی رجا اولنور .

مطبعه [توسیع طباعت] باب عالی قارشو سنده عدلیه خانی نومرو ۱۹



بازار ایرتسی کونلری نشر اولنور دینی، ادبی، سیاسی و فنی هفته لقی رساله در

ثانیاً ینہ فکرلرنده اصرار ایدرلرسه آنلر ایله قتال واجب اولور . چونکه جناب حق (سورة هجرات) ده بیورمشلردرکه : (فان بغت احدهما علی الاخری قفائتوا الی سبی حتی تفر الی امرالله = مؤمنلردن ایکی طائفه دن بری دیکری اوزرینسه بنی و تعدی ایدرلرسه تعدی ایملن طائفه امرالهی یه ، کتاب الله و صلحه رجوع ایدنجه یه دکن آنلر ایله قتال ایدیکز) .

فقهاء حنفیه دن (ابن عابدین) حضرتلری دیبورکه : تبعه دن برطائفه نك خلیفه و حکومت علینہ قیام و خروجی اوج صورت اوزره اولور .

(برنجی صورت) بر قومك حکومت علینہ قیامی آنلر خلافت دعواسنده اولملرندن و باخود حکومتك آنلره ظلمندن طولانی اولیوب انحق ناسك ماللرینه ، جائزینہ ، عزضلرینه نجاووزو آسایش مملکتی اخلال و یر یوزنده فساد

مدنیت شرعیه ، ترقیات دینیہ

مابعد :

[خروج علی السلطان]

فقهاء کرام حضراتی دیبورلرکه : اسلاملر برذاتك خلافت و امامتی قبول و اکا بیعت ایلدکدنسکره آنك حکومتنه مخالفت حرامدر . شوخالده تبعه دن برطائفه برسب شرعی اولقسزین اوزرلرنده ک و برکو و رسوم شرعیینی و برمه مك و باخلیفه نك خلعنی قصد ایتمك اوزره خلیفه و حکومت علینہ خروج و قیام ایدرلرسه اولا قیاملرینك سبی صوریلور . اکر برسب و شبهه کوسریرلرسه شبهه لری ازاله اولنور . ثانیاً شبهه لری ازاله اولمقله برابرینه مخالفتده اصرار ایدرلرسه آنلره وعظ و نصیحت ایدیلور و قتال ایله تهدید اولنور .

بر مملکتده تمسدد حکومت ، جمعیت اسلامیه و اتحاد مسلمینک افتراقی و آرای ملتک اختلافی موجب و نظام امت و انتظام حکومتک اخلال و افسادنی مقتضی اوله جفتدن صحابه کرام و سائر علماء دین افندیلریم حضرت صدیقک (لا یجتمع السیفان فی غمد واحد = ایکی قیلیج بر قینه اجتماع ایدمه من) کلام عالیلری مقتضاسی اوزره سریر خلافتده ایکی امامک اجتماعی جائز اولماسنه اجماع و اتفاق ایتمشلردر . جمهور اهل سنت دییورکه : بر عسدرده ارله رنده عسکر سوق ایتمکه مانع بولمیان بلده رنده اهالی دن بر فرقه سی بر امامه ، دیگر فرقه سی ده بشقه بر امامه بیعت ایلدکری تقدیرده سبق و قدمه اعتبار اولنور .

هانکیسینک امامتی اقدم و اسبق ایسه او خلافته احق و الیقدر . بناءً علیه آنک حکومتنه اطاعت و انقیاد اهالی اوزرینه واجبدر . دیگرکی ایسه اهل بی و فساد اولدیندن خلیفه اولی یه اطاعتی لازمدر . انقیاد ایتمیونده دعواسنده مصر اولورسه آنک قتل و اعدامی واجبدر . چونکه جناب فخر کائنات افندمن بیورمشلردرکه : (اذابوع لحیفتین فاقتلوا الاخرمها = بر بلدهده ایکی خلیفه یه بیعت اولندیقی تقدیرده آنلردن اولکنه اطاعت ایدوب سوکنجیسی قتل ایدیکز) .

بناءً علیه اسلام مملکتی اولان عنانی اولک سنده خلافت ، ریاست ، ولایت دعواسنده بولنهرق خلافت اسلامیه و حکومت عنانیسه نك علیه قیام ایدنلر نظر شریتمده باغی و عاصی اولدقسلردن آنلری تشکیل ایچون قتاله مقتدر اولان هرفرد حکومته ظهیر و نصیر اولنق شرعاً واجبدر . (اوچنجه صورت) : بر قوم و جماعتک حکومت اوزرینه خروج و قیامی اصلاً بشقه بر مقصدن ایچون اولیوبده انحق حکومتک ظلم و تعدیسندن طولانی اولورسه اوطاقله باغی و عاصی عد اولتیوب بالعکس (امر بالمعروف و نهی عن المنکر) اربابندن معدود اولور . بناءً علیه عساکر اسلامیه نك و سائر ناسک آنلری

سی ایتمک ایچون اولورکه بوطائفه (قطاع طریق) دینور . نظر شریتمده بولنرک جزاسی قتل و یا صلب و یا خود اللری و یا اقلاری قطع و یا خود مملکتدن نفی و تفریدر . چونکه جناب حق (سورة مائده) ده بیورمشلردرکه : (انما جزاء الذين يحاربون الله ورسوله ويسعون في الارض فسادا ان يقتلوا او يصلبوا او تقطع ايديهم وارجلهم من خلاف او ينفوا من الارض ذلك لهم خزي في الدنيا ولهم في الآخرة عذاب عظيم الا الذين تابوا من قبل = الله تعالی ورسوله عصيان و امرینه مخالفت ایلین و قتل نفس ، اخذ اموال ، قطع طریق ایله بریوزنده فساده سی ایلین کیمسه لرک جزالری اکر یا لکیز قتل نفس ایلدیلرسه انحق قتل اولنق ، قتل نفس ایله اخذ ماله بولندیلرسه هم قتل و هم ده صلب ایلدک ، قتل نفس ایتمیوب یا لکیز مال اخذا یا لکیز صاغ اللریله صول آیاقلری قطع اولنق ، ناسی اخافه دن بشقه تجاوز زانده بولنماشلرسه دیگر بر بلده یه نفی اولنمدر) .

(ایکنجی صورت) بر قوم خلافت ، ریاست ، ولایت دعواسنده بولنهرق حکومت علیه قیام ایدرسه او قومه (اهل بی و فساد) دینورکه قتال و محاربه یه مقتدر اولان هرفرد آنلری تشکیل ایچون حکومته نصرت و معاونته بولنق واجبدر . چونکه بوطائفه مملکتده فتنه و فساد چیقارمق ، مسلمینی ضررلندیرمق ، اتحاد اسلامی پارچه لامق مقصدیله حکومت اوزرینه خروج ایلدکلردن نظر شریتمده ملعون درلر . زیرا پیغمبر ذیشان افندمن بیورمشلر درکه : (الفتنة نائمة لعن الله من ايقظها = فتنه و فساد حال نوم و حال سکونته در . آتی او یاندیروب تحریک ایلین کیمسه یه جناب حق لغت ایلسون) .

و جناب حق (سورة بروج) ده بیورمشلردرکه : (ان الذين قتلوا المؤمنين و المؤمنات ثم لم يتوبوا فلهم عذاب جهنم = مؤمنین و مؤمناتی تعذیب و آنلره اذواجفا ایدوبده ظلم و معصیتلردن توبه و رجوع ایتمیانلر ایچون آخرتده جهنم عذابی واردر) .

تصدیق و ظلم لرینه اغانه ایدرسه او بنم اتم دکدر ، بنده آنک بیغمیری دکلم . همده او کیسه یوم قیامتده بنم حوضمه کله من (چونکه او یله لرینی ملکر حوضدن منع و طرد ایدرلر) .

صحابه کرامدن (ابوالدرداء) حضرتلرندن مبروی اولان بر حدیثده بیورلمشدرکه : (لتأمرن بالمعروف ولتنهون عن المنکر اولیسلطن الله علیکم سلطاناً ظالماً لا یجیل کیرکم ولایرحم صغیرکم ویدعو علیہ خیارکم فلا یستجاب لهم وتضرون فلا تضرون وتستغفرون فلا یغفرلکم - یا هر حالده معروف وحق ایله امر ایدرب منکر و ظلمدن نهی ایدرسکز ، یا خود جناب حق اوزر بکزه بر سلطان ظالم و بر حکومت ظالما مسلط قیلارکه نه بیوکر بکزه تعظیم ونده کوچوکر بکزه مرحمت و شفقت ایدر . خیر لیر بکز آنک علیه دعا ایدرلر دعا لری قبول اولماز . اک نصرت ایدرسکز منصور اولماز سکز . استغفار ایدرسکز (امر معروف ، نهی منکر اجرا ایتدیککز ایچون) معصیتکز عفو اولماز) .

جناب بیغمیر دیشان افندمن دیکر بر حدیث شریفده بیورمشدرکه : (افضل الجهاد کله حق عند سلطان جائز - جهادک اک فضیلتلی سلطان ظالم حضورنده سولتن حق سوزدر) .

عرض اولنان احادیث شریفه واقوال فقهادن مستبان اولبورکه دین جلیل اسلام هیچ برکیسه دن چکنیمه رک حق سوله مک و حکومتک ظلم و جورینی رفع ایله اعواجانی دوفرلنق خصوصنده افراد امته او یله صلاحیت واسمه ویرلمشدرکه هیچ برملت بویه بر صلاحیت نائل اولماشدردر وهله (ابوالدرداء) نک حدیث شریفدن اکلاشیلوکرکه تا (زید) دورندن زمانه قدر ملت اسلامیه مک چکش اولدقنری بونجه مظالم هب کندی سیئه لرندن و وظائف شرعیه لرندن سوء استعمال ایلدک لرندن نشأت ایتشدر . چونکه (حق امر ، ظلم نهی) ایدره رک شرع شریفک

نسکیل ایچون حکومتیه نصرت و مظاهرت ایتملی جائز دکدر . چونکه بوسورنده حکومتیه اغانه ظلمه اغانه دن عبارتدر ظلمه اغانه ایسه شرعاً حرامدر . شو حالده حکومتی ظلم و جورندن واز کیرمک ایچون عموم عسکرک و بتون اها لیسک خروج و قیام ایلیان طائقیه اغانه و نصرت ایتملی لازمدر .

بناء علیه دیرزکه : ایشته مبدأ مشروطیتده (۱۱ توموز ۱۳۲۴) تاریخنده اوردو ایله آرن او دولنک عبدالحمید حکومتی علیه قیاملری انحق ظلمی قالدیرمق مقصدینه مبتنی اولدینی جهته مشروغ اولدینی کی بودقمده اوردو ایله آرن او دولنک تکرار اتحاد و ترقی حکومتی علیه قیاملری انحق ظلمی دو یروب نحو ایتک مقصدینه مبتنی اولدیفندن نظر شریعتده یو حرکتلری بغی فساد دکلم (امر بالمعروف ونهی عن المنکر) در .

ظلمی دفع ایتک اوغرنده قتل اولنانلر شهادتک اک فضیلتلیدر .

چونکه : صحابه کرامدن (عبیده بن الجراح) حضرتلری بیورمشدرکه (یا رسول الله ای الشهداء اکرم علی الله عزوجل = یا رسول الله شهادتک نزد صمدانیده درجه ورتبه سی اک یو کک اولانی هانکیسیدر . بیغمیر دیشان افندمن بیورمشدرکه (رجل قام لی وال جابر قامره بمعروف ونهه عن المنکر قتلته = نزد سبحانیده شهادتک الا مزز واک مکرمی ظالم بروالییه قارشو معروف وحق ایله امر ، منکر و باطلدن نهیه قیام ایلوبده اوظالم طرفندن قتل اولنان کیسه در) .

برده نظر شریعتده ظالمک ظلمنه اغانه و نصرت قطعاً جائز دکدر . چونکه جناب فخر عالم افندمن بیورمشدرکه اسموا هل سمعتم انه سیکون فی بدی امراء فن دخل علیهم فصدقهم بکذبهم واعانهم علی ظلمهم فلیس منی ولست منه ولیس یوارد علی الحوض - ای اتم ایتدیکز ، ایشید یکز می که بدن صکره بر طاق امر اکوب ظلم ایدجکلر ، لان سولیه جکلر برکیسه آنرک یانته کیروبده بالاندینی

نانه و حتی سایر حیواناته راجع بر امر منکر اولدیندن آنک دفع و رفته سنی ایلک هر شخص اوزرینه شرعاً و عقلاً واجدیر .

آرتق معروضات سالفه دن مستبان اولدیکه : هر کیم و هر هانکی فرقه موقع اقتداره کلورسه افراد اهالی ظلمه بیون اکیوب ظالمک قنارینه و وره رق ظلمی دفع و محو ایلدیک بر سوبیه کلدیکه و اویله بر استعداد پیدا ایتدیکه ظالمک ظلمندن قطعاً خلاص ممکن دکلر .

مابعدی وار
اسکلی

محمد عاطف

سوره جلیله یوسف علیه السلامده

فلسفه سیاسی

اقطار مصریه ده دخی اداری برتجدداسپانی حاضر لانتقهده ایدی .

یوت پرستلک دهشتلی بر تعصبله تعقیب ایدلدیکی بر صرده ده که بالعموم اهالی فصول اربعه یه حتی اوصاف بشریه دن اولان کوزلکه قدر بر طاقم احوال عمومیه و خصوصیه آن تصنیع اولمش آله لر دن ماعدا کندنی نفسلری ایچونده مزین محتشم - قدرت مالیه لری نسبتنده - معظم پوتلره مالک ایدیلر .

احساسات انسانییه نک بودرجه دون و شئونات عقلیه نک بودرجه محاکمه دن محروم اولدینی بر یرده شکل اداره طبیعی حکومتله اهالی آروسته حرمت مقابله دائره سننده جریان ایده مز ایدی .

بناء علیه حاکم مصرک هیچ بر قید ایله مقید اولیان حاکمینی اهالی اوزرنده اجرا ایدلدیکی تأثیره نظر ابرالو هیت موقعته مشابه اولمتدن کیری قالمیور ایدی .

اهالینک کوستردی اطاعت عاداتا مسکنتدن دکلده عبودیتدن حکومتک نائل اولدینی نفوذ و حرمتده جبر و قوتدن

احسان بیورمش اولدینی صلاحیتی ، حاکمیت ملیه لرینی محافظه و حسن استعمال ایتمه مک یوزندن برطاقم ظلمه نک بیوندیرینی آلتنده اسیر مقهور و ذلیل اوله رق اصرار اوقات ایشلردر ،

دیمک اولیورکه بر قوم اسارت ، ذلتله یشامنه اسعداد حاصل ایتدیکه هیچ بر کیمسه نک ، هیچ بر حکومت و جمعیتک زر اداره سننده ذلیل ، حقیر ، اسیر اوله ماز . جوئمک جناب حق (سوره رعد) ده بیورمشلردرکه : (ان الله لا یغیر ما بقوم حتی یتروا ما بآ نفسهم و اذا اراد الله بقوم سوءاً فلا مرده = الله تعالی بر قومک نعمتی تغیر و سلب ایتز تا که او قوم کندنی نفسلرنده کی احوال جمیله ، اخلاق فاضله یی اخلاق ردیه و احوال سیئه یه تبدیل ایله دیرلینه عصیان ایتدیکه (ایشته او زمان عذابه استعداد پیدا ایدلدیکی ایچون اوقومک عذاب هلاکی مراد اولنور) جناب حق بر قومک عذاب و هلاکینی مراد ایدنجیه

آنی دفع ایددیک هیچ بر شی ، هیچ بر قوت یوفدر) ای ملت ظلمدن قور تولوق ، اسارتدن بوسبتون خلاص اولوق ایسترسه کز وظائف شرعیه کزی ایفا ایددیک استعداد پیدا ایدیکز . زیر شرع شریف دفع ظلم ایچون بتون مکلفینه ایکی نوع وظیفه تحمیل بیورمشدر . بری کرک فکرآ ، کرک فعلاً ، کرک قولاً کرک مالاً ظالمک ظلمنه نصرت ایتمه مک و آنلره قوت و یرده جک هیچ بر حرکتده بولنما مقدر چونکه ظلمی اولدینی کی ظالملره نصرت و حتی آنلره میل محبت بیله ظلمدر . کناهدر . و کندنی ذلت اسارتلری کندنی اللریله احضار دیمکدر .

دیگری ده هر کی نهی عن المنکر در جاتندن کندنی حصه سنه دوشن مقدار ایله کرک بر شخصک ، کرک بر قومک ، کرک بر جمعیت و فرقه نک ، و کرکسه حکومتک اجرا ایدلدیکی ظلمی دفع و وضع ایتدیکه چالشمقدر .

چونکه ظلم حد ذاتنده الچیرکین بر فعل اولقله برابر ضرر مادی و معنویسی هم ظالمک کندوسنه و همده عموم